

# Սիրիական ճգնաժամ. հայ համայնքը՝ լրջագույն մարտահրավերների առաջ

## Համառոտագիր



Մարդկային  
գարգացման  
միջազգային  
կենտրոն

### Սիրիական թնջուկ. խաղաղ ցույցերից՝ միջազգային հակամարտություն

«Արաբական գարուն» առավել դրամատիկ զարգացում ունեցավ թերևս Սիրիայում: Սա են վկայում տասնյակ հազարավոր զոհերը, ավերված քաղաքներն ու գյուղերը, կենտրոնական իշխանության թուլացումը, քառը, անկայունությունը, միջազգային ահաբեկչությունը, հանցավորության կտրուկ աճը, մարդկանց առևանգումը, ծայրահեղականության պոռթկումը, Սիրիայի հանդեպ միջազգային հանրության կիրառած անսախաղեպ ճնշումներն ու պատժամիջոցները: Թերևս, հենց արտաքին միջամտությունը ներսիրիական խնդիրը փոխակերպեց միջազգային հակամարտության: Ուրվագծվեցին ուժային կենտրոնների ու դաշինքների շահերը: Ակնհայտ դարձավ, որ դրանցից յուրաքանչյուրը սիրիական խնդիրն առավելապես ծառայեցնում է տարածաշրջանում սեփական դիրքերի ամրապնդմանն ու շահերի պաշտպանությանը:

Հատկանշական է, որ դաշինքներից մեկում Արևմուտքի ուժային կենտրոնների քաղաքական շահերն ավանդաբար սպասարկող երկրներ են՝ Թուրքիա, Սաուդյան Արաբիա, Զաթար, որոնք սիրիական «խաղում» հետամուտ են նաև սեփական շահերի ու դիրքերի ամրապնդմանը: Սուննիական և շիայական ռազմաքաղաքական դաշինքների միջև ներխուժման հակամարտության բևեռներից մեկում համախմբված այս երկրները՝ Սաուդյան Արաբիան և Զաթարը, սիրիական ճգնաժամի ֆինանսական դոնորներ են: Թուրքիան միլիոնավոր դոլարների դրամաշնորհներ ծառայեցնում է Սիրիայում զինված պայքար ծավալելու, զինյալների ու սուլեյման կենտրոններն ու փախստականների ճամբարները պահելու խնդիրներին: Մյուս դաշինքը համախմբել է Ռուսաստանի, Չինաստանի և Իրանի շահերը:

Ակներևաբար, հակասաստիկական ուժերը կշարունակեն ֆինանսավորել և տեխնիկապես աջակցել ընդդիմադիր ուժերին: Ուստի ճգնաժամը Սիրիայում կշարունակվի այնքան, որքան Ասադի վարչակարգին աջակցող դաշնակիցները կտրամադրեն անհրաժեշտ ռեսուրսներ: Ակնհայտ է նաև, որ սիրիական ճգնաժամը կարող է կարգավորվել համաշխարհային ուժային կենտրոնների երկխոսության արդյունքում: Այլ պարագայում հակամարտությունը կարող է ընդլայնվել և խորանալ:

### Եթև- և կրոնադավանական հակամարտություն

Ի տարբերություն տարածաշրջանի շատ երկրների, Սիրիան եթևիկ և կոնֆեսիոնալ բազմազանության յուրօրինակ խճանկար է: Տարօրինակ չէ, որ քաղաքացիական ազատությունների համար պայքարը, հակամարտության խորացմանը զուգընթաց, եթևոդավանական և կրոնադավանական հակամարտության երանգներ ստացավ: Ալավիներն ու սուննիները, մասնավորապես, Հաֆեզ Ալ-Ասադի իշխանության գալուց հետո տասնամյակներ շարունակ բացահայտ (մինչև 1980-ականներն ու Համայի դեպքերը), ապա՝ լատենտային առճակատման մեջ էին: Զաղաքացիական անհնազանդության դրսևորումները բարիկադավորեցին այս խմբերին: Հակամարտության սրացմանը զուգընթաց ուրվագծվեցին նաև նրանց աջակցող դաշինքները թե՛ երկրի ներսում, թե՛ արտերկրում: Այսպես, Ասադի վարչակարգի կամ ալավիների պաշտպանությամբ դիրքավորվեցին երկրի փոքրամասնությունները, այդ թվում՝ քրիստոնյաները: Հատկանշական է նաև, որ սուննիական հարթակը նույնպես միատարր չէ: Այստեղ առանձնանում են սոցիալական երկու բևեռներ. ընդդիմադիր աղքատ միջին խավը՝ մի կողմից, և բուրժուազիան, որը համարվում է Ասադի հենասյուներից մեկը, մյուս կողմից: Հակամարտության համատեքստում լրջագույն գործոն են բրդերը: Հակամարտության ընթացքում վերջինների չեզոքությունն Ասադը փորձեց ապահովել բրդաբնակ շրջաններին փաստացի ինքնավարություն և գործելու անկախություն տրամադրելու միջոցով: Սիրիական հակամարտության շրջապտույտում միջկոնֆեսիոնալ և միջեթևիկ բախումներն այլևս անկասելի են: Ավելին, հակամարտությանը վերախմբավորում և



Երևան 0001  
Սայաթ Նովա 19  
Հեռ.՝ +374 10 582638  
Ֆաքս՝ +374 10 527082

mail@ichd.org  
www.ichd.org

մասնակցում են սիրիական հասարակության բոլոր շերտերը՝ ոչ մեկին անմասն չթողնելով և հակամարտության խելահեղ ոլորապտույտում առնելով յուրաքանչյուրին: Ապագույցը 2012թ. հոկտեմբերին շիաների սրբատեղի Սեյդա Չեյնաբ մզկիթում պայթյունն էր:

## **Միասնական ընդդիմություն. իրականություն թե՛ պատրանք**

Սիրիական ընդդիմության հիմնական դաշինքը մինչ վերջերս Սիրիայի ազգային խորհուրդն էր, որին երկրում կամ արտերկրում բացարձակ աջակցություն ձեռք բերել այդպես էլ չհաջողեց: Սիրիական ընդդիմությունը բազմաշերտ է. թե՛ գաղափարական, թե՛ մարտավարական տարաբերությունները դարձնում են այն հատվածական: 2012թ. նոյեմբերին Արևմուտքի աջակցությամբ ընդդիմադիր ուժերը միավորվեցին Սիրիական ազգային կոալիցիայում, որը ճանաչել են ԱՄՆ-ն, Եվրամիությունը, ինչպես նաև մի շարք պետություններ: Վաթսուն հոգանոց այս խմբում կան այլախոհ գործիչներ, ծախեր, որոնցից շատերը երկար տարիներ անցկացրել են բանտերում և Դամասկոսի հայտնի հռչակագրի անդամներ են: Միաժամանակ, ակնհայտ է նաև, որ ասադական ուժերը զգալի հենարան ունեն երկրում և կփորձեն ապագա իշխանության մաս կազմել:

## **Չայ համայնքը՝ մարտահրավերների առջև**

Սիրիահայ համայնքը կարևորագույն նշանակություն ունի հայապահպանության առումով: Մեծաթիվ է սիրիահայ համայնքը: Չայերն այստեղ բնակվում են թե՛ խոշոր քաղաքներում, թե՛ փոքր գյուղերում: Սիրիական հակամարտությունը հայ համայնքին կանգնեցրել է մի շարք մարտահրավերների առջև: Երկրում գների աննախադեպ բարձրացման, վառելիքի և էլեկտրաէներգիայի սղության, տնտեսության փլուզման և այլ մարտահրավերներից բացի համայնքը հարկադրված է դիմակայել անվտանգության խնդրին: Մարդիկ վախենում են փողոց դուրս գալ, վախենում են առևանգումից: Շեքսպիրյան հերոսը թերևս սիրիահայ համայնքի տառապանքների մասին կասեր. «...ճ'հ, դժոխք երթան երկու տներն էլ, իմ բանը պրծավ»:

Չայեպի հայ համայնքից սաստկացել է արտագաղթը: Շատերը գալիս են Չայաստան՝ մնալու կամ այլ երկիր գնալու մտադրությամբ: Ի տարբերություն Չայեպի, Դամասկոսից, Զեսապից և հայաշատ այլ շրջաններից սաստիկ արտագաղթ դեռևս չկա: Ընդհանուր առմամբ, Սիրիան, թերևս՝ ողջ արաբական աշխարհը, դառնում է հայապահպանության համար անապահով: Այս առումով օրվա հրամայական է սիրիահայերի ներգաղթի հիմնախնդիրը ներառել ՅՅ ներքին և արտաքին քաղաքականության օրակարգում:

Այսպես, սիրիահայերից շատերը ցանկանում են ժամանակավորապես կամ երկարաժամկետ հաստատվել Շոցի արաբական երկրներում մասնավորապես ԱՄԷ-ում և Զուվեյթում, որտեղ աշխատելու ավելի մեծ հնարավորություններ կան: Սակայն, ներկայում այս երկրները հրաժարվում են կացության իրավունք տրամադրել Սիրիայի քաղաքացիներին: Ուստի ՅՅ-Շոցի արաբական երկրներ միջպետական հարաբերությունների օրակարգում հարկ է ներառել սիրիահայերին ժամանակավոր կացության իրավունք տրամադրելու հարցը:

Չայաստանում սիրիահայերի լիարժեք ինտեգրումն ապահովելու նպատակով հարկավոր է հնարավորինս սեղմ ժամկետներում կատարելագործել նրանց կացության ոլորացմանն ուղղված քաղաքականության և օրենսդրության մշակումը: Մասնավորապես, անհրաժեշտ է ուսումնասիրել և կոնկրետ քայլեր ձեռնարկել Չայաստանի գյուղական բնակավայրերում գյուղաբնակ սիրիահայերի վերաբնակեցման աջակցելու ուղղությամբ:

Անելիքները շատ են: Դրանց դիմագրավելու համար աշխարհասփյուռ հայությունն այսօր ունի լավագույն կոմանդո՝ Չայաստանի անկախ պետությունը: Եվ ընկալելով հայապահպանության գործում մեր պետության դերն ու պատասխանատվությունը՝ անհրաժեշտ է գործիքներ ձևավորել կործանարար մարտահրավերներին պատշաճ դիմակայելու համար: ՉԷ՞ որ գլոբալացվող աշխարհում ահագնանում են նաև ճգնաժամերն, իսկ դրանց հետևանքները դառնում են ավելի կործանարար, քան երբևէ:

*Համառոտագիրը մշակվել է 2012թ-ի նոյեմբերի 22-ին կայացած՝ «Սիրիա. Տարածաշրջանային համատեքստ» վերնագրով քննարկման մասնակիցների կողմից արտահայտված կարծիքների հիման վրա: Կլոր սեղանին մասնակցում էին անկախ վերլուծաբաններ, պետական պաշտոնյաներ, միջազգային կառույցների ներկայացուցիչներ:*

*Քննարկումը կազմակերպվել էր «Սևծովյան տարածաշրջանի խաղաղաշինական ցանցի» աջակցությամբ:*

